



Ti **Philippine Deposit Insurance Corporation (PDIC)** ket ganuat ti gobyerno a pinarsua ti Kongreso babaen iti *Republic Act No. 3591* idi maika-22 iti Hunio 1963 tapno masakniban dagiti depositor ken maitandudo ti pinansial a kinatalged.

Kas *state deposit insurer*, salakniban ti PDIC dagiti depositor babaen iti pannakaipaay ti *deposit insurance* para kadagiti amin nga *insured* a deposito iti bangko ti Pilipinas.

Ti *deposit insurance*, a naan-anay a tartarabayan ti *PDIC Deposit Insurance Fund*, itden na ti tured ti pakinakem kadagiti depositor tapno idulin da dagiti nagrigigatan da nga urnong kadagiti bangko.

#### Paglikudan:

*Daytoy ket saan a nairanta a mangsukat wenno mangbalbaliw ti aktwal a probisyon ti PDIC Charter ken dadduma pay a maiyaplikar a linteg. Ti naud-udi ket agpannurray nu man bilang adda panagsusupiat.*



Philippine Deposit Insurance Corporation  
PDIC Chino Bldg., 2228 Chino Roces Avenue  
Makati City 1231

Hotline: (02) 8841-4141 (Para kadagiti awag iti Metro Manila)

Toll-free: 1-800-1-888-PDIC or 1-800-1-888-7342  
(Para kadagiti awag iti ruar ti Metro Manila)

Website: [www.pdic.gov.ph](http://www.pdic.gov.ph)

Facebook: [www.facebook.com/OfficialPDIC](https://www.facebook.com/OfficialPDIC)

X (dati a Twitter): [@OfficialPDIC](https://twitter.com/OfficialPDIC)

YouTube: [www.youtube.com/@PDICOfficial](https://www.youtube.com/@PDICOfficial)



© 2023

## Pannakaawat Maipapan iti **Deposit Insurance**

Ti kumpiyensam nga  
agurnong iti bangko



ANIA TI DEPOSIT INSURANCE?

Daytoy ti pammatalged ti Gobyerno ti Pilipinas a ti urnong ti maysa a depositor iti *insured* a bangko ket masalakniban agingga iti naikeddeng a kantidad nu kas man bilang agserra ti nasao a bangko. Ti *maximum deposit insurance coverage (MDIC)* ket ₱500,000 tunggal depositor, tunggal bangko.

Agsina ti pannaka-*insure* ti *single* ken *joint accounts*. Kayat na a sawen, amin a *single deposit accounts* ket naka-*insure* agingga iti ₱500,000. Nu addaan ka ti *joint account* iti isu met laeng a bangko, ti bingay mo kadaydiay naka-*insure* a paset ti *joint account* ket agingga met laeng iti ₱500,000.

Agpaay kadagiti panggep ti pannakakwenta ti *deposit insurance*, ti nataginayon a balanse ti *account* iti agpadpada a karbengan ken kabaelan agpaay iti pagimbagan ti depositor, nainagan man kenkuana wenno iti sabali, ket mapagdadagup ken saan a nasursurok ngem iti MDIC.

ANIA TI SAKUPEN TI PDIC

*Single account* man wenno *joint*, *personal* man wenno *business account*, kukuam wenno naipauggor kenka, *Philippine Peso* man wenno sabali a kuarta a bigbigbigen ti Bangko Sentral ng Pilipinas (BSP) kas paset ti *international reserves*, salakniban ti PDIC amin a mapaneknekan a deposito kadagiti bangko a kameng na. Dagiti nadumaduma a *Deposit Accounts* ket:

- 1. Savings
- 2. Special Savings
- 3. Demand/Checking
- 4. Negotiable Order of Withdrawal (NOW)
- 5. Time Deposits

Ti R.A. 11840, a nakaigapuan ti pannakaamendar ti *PDIC Charter* idi 2022, ket mangipaay iti pannakaipasdek ti naisina a *deposit insurance* wenno "*takaful*" para kadagiti produkto wenno katulagan dagiti *Islamic Banks* nga ibilang a deposito ti BSP.

DAGITI SAAN A SAKUPEN TI PDIC

Naikasuratan man, naimaldit, wenno nailibro a kas deposito ti bangko, dagiti sumaganad ket mailaksid iti *deposit insurance* ti PDIC (*Section 5 (g) ti PDIC Charter*):

- 1. *Investment products* a kas iti *bonds* ken *securities*, *trust accounts* ken dadduma pay mainaig nga instrumento
- 2. Dagiti *deposit accounts* ken transaksyon nga:
  - a. Awanan ti pondo, parbo wenno manggandat a mangallilaw a kas keddengan ti PDIC
  - b. Bukbuklen iti saan a natalged ken saan a nasayaat a *banking practice/s* kas keddengan ti PDIC, babaen ti pannakiinnuman na iti BSP, kalpasan dagiti umiso a pakaammo, pannakausig ken pannakaipablaak ti bilin a *cease & desist* nga iyetnag ti BSP a maisuppiat kadagiti *deposit accounts/transactions* wenno saan a natalged ken saan a nasayaat a galad ti panagibangko
  - c. Matakuan a ti naideposito ket naparuar babaen ti *illegal* nga aramid a kas salaysayen ti *Anti-Money Laundering Act (Republic Act 9160, as amended)*

INSURED A DEPOSITOR

Malaksid kadagiti *account* a linukatan ken inuggor iti biang ti sabali a tao, dagidiay nainagan iti *account* ket isuda ti mabigbig nga akinkukua wenno *insured depositors*.

Dagiti benepisyal nga akinkukua ti *By, In-Trust-For (ITF)*, ken *For-The-Account-Of (FAO)* ket isu dagiti *insured* a depositor.

| ACCOUNT                                              | BENEFICIAL OWNER/INSURED DEPOSITOR |
|------------------------------------------------------|------------------------------------|
| Juan Cruz <b>BY</b> Pedro Cruz                       | Juan Cruz                          |
| Juan Cruz <b>In Trust for (ITF)</b> Maria Cruz       | Maria Cruz                         |
| Juan Cruz <b>For the Account Of (FAO)</b> Maria Cruz | Maria Cruz                         |
| Maria Cruz and/or Juan Cruz <b>ITF</b> Pedro Cruz    | Pedro Cruz                         |

PANANGPATTAPATTA KADAGITI INSURED A DEPOSITO

Single Accounts

Tapno mapattapatta dagiti *insured* a deposito para kadagiti *single accounts*, mapagdadagup laeng ti balanse ti amin nga *accounts* a nainagan iti depositor. Uray mano ti bilang ti *single accounts*, *insured* daytoy ti PDIC agingga iti ₱500,000 tunggal depositor, tunggal bangko.

Nailadawan a Pangarigan:

| DEPOSIT ACCOUNT (IN PHIL. PESO)      | JUAN CRUZ | MARIA CRUZ | PEDRO CRUZ |
|--------------------------------------|-----------|------------|------------|
| Account #1 - Time Deposit            | 100,000   | 100,000    | 100,000    |
| Account #2 - Savings Account         | 100,000   | 300,000    | 100,000    |
| Account #3 - Special Savings Account | 100,000   | 300,000    | -          |
| Account #4 - Checking Account        | 90,000    | -          | -          |
| Account #5 - Savings Account         | 100,000   | -          | -          |
| Total Deposits                       | 490,000   | 700,000    | 200,000    |
| Insured Deposits                     | 490,000   | 500,000    | 200,000    |
| Uninsured Deposits                   | 0         | 200,000    | 0          |

Para kadagiti Joint Accounts

Ti tunggal *joint account* ket *insured* agingga iti ₱500,000, a mabingay nga agpadpada kadagiti akinkukua, malaksid nu adda sabali a nagtulagan da, a kas paneknekan dagiti papeles ti deposito nga adda iti ikut ti bangko. Ti dagup bingay ti depositor iti amin *co-owned accounts* iti isu met laeng a bangko ket *insured* agingga iti agdama nga MDIC a ₱500,000.

Nu ti *joint account* ket kukua ti maysa a tao ken *juridical entity*, ti nadakamat nga *entity* ket maipagarup nga isu laeng ti akinkukua iti *account*, ngarud, maibilang a *single account*.

Nailadawan a Pangarigan:

|                                     | OUTSTANDING BALANCE | INSURED AMOUNT | JUAN SHARE IN THE INSURED AMOUNT | MARIA   | PEDRO (PHIL. PESO) |
|-------------------------------------|---------------------|----------------|----------------------------------|---------|--------------------|
| Juan Cruz and/or Maria Cruz         | 150,000             | 150,000        | 75,000                           | 75,000  | NA                 |
| Juan Cruz & Maria Cruz & Pedro Cruz | 700,000             | 500,000        | 166,667                          | 166,667 | 166,667            |
| Maria Cruz & Pedro Cruz             | 200,000             | 200,000        | NA                               | 100,000 | 100,000            |
| Juan Cruz & Pedro Cruz              | 600,000             | 500,000        | 250,000                          | NA      | 250,000            |
| Total Share in the Insured Deposits |                     |                | 491,667                          | 341,667 | 516,667            |
| Total Insured Deposits              |                     |                | 491,667                          | 341,667 | 500,000            |

**Palagip:** Kadagiti depositor a di nakabayad ti utang da iti isu met laeng a nagserra a bangko, ti bayad da iti daydiay nga utang ket giddato a maikissay manipud idia *insured* a deposito da.

TI PDIC DEPOSIT INSURANCE E-CALCULATOR

Ti PDIC *Deposit Insurance e-calculator* ket makatulung a mangkuntar nu mano ti *deposit insurance* mo. Tapno maaramat daytoy, mapan iti [bit.ly/PDICECalculator](https://bit.ly/PDICECalculator).

